

تنتظركم أيام رائعة .. الحلقة (20) .. #على_فين_يا_شباب .. د .

حازم شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله وبيدك الخير كله واليك يرجع الامر كله. اللهم صل على عبدك ونبيك وحبيبك محمد. صلى الله عليه وسلم. ثم اما بعد. كلمة سمعتها وما نستهاش - 00:00:00

ابدا من يوم ما سمعتها يا جماعة. كان في حوار بيتعامل مع لعيب اسمه روماريو. كان عنده خمسة وتلاتين سنة خلاص. زي خيل الحكومة خلاص هيعتزل. وكان فيه لعيب لسة طالع لعيب - 00:00:21
البرازيلي مشهور جدا عالميا وقتها. اسمه رونالدو كان عنده سبعتاشر سنة. فبيعمل حوار مع روماريو وهو خلاص بيودع الملاعب. فيقولوا له ايه رأيك في رونالدو قال كلمة ما تتنسيش ابدا. قال ينتظره ايام رائعة. قلت ياه! شف اهل الدنيا - 00:00:31
ان واحد بيتسحب منه حاجة غالية قوي عليه. وشايف واحد تاني بياخدها وهو يبص له كده وبيقول له يا بختك ينتظره ايام رائعة. لا والله العزيز يا جماعة. الكلمة دي انا باقولها لكم انتم. الكلمة دي انا باقولها لنا احنا. اللي باقولها لكل واحد عايز يتوب. لكل واحدة عايزة تعرف طريق ربنا. لكل واحدة يبدأ صفحة جديدة مع الله. لكل واحد - 00:00:51
عايز ينطلق الى الله ينتظركم ايام رائعة. ياكل واحد قلبك اشتاق لربنا. يا كل واحدة رايحة لربنا بقلها مش برجليها يا كل واحد نفسك انك انت كل يوم تقرب من ربنا خطوة جديدة. يا كل واحد قررت انك تتوب وقررت انك تتوبي. ينتظركم ايام رائعة - 00:01:11
ايام رائعة. الدين ده اروع ايام في الحياة. اروع ايام كان فيه احد الامراء زمان ماشي. يعني لقي بيت واحد من السلف بيت قديم وشكله رهيب وكان هذا السلفي سافر يحج فقال بيت من هذا؟ قالوا بيت فلان. قال فلان فلان ده اللي بيته فالبيت كان حالة فقر رهيبه وجعانيين - 00:01:31

في حالة صعبة جدا. فمسك كيس ذهب دنانير ذهب والقاه فيه. فاوّل ما القاه فيه طبعاً كل اللي في البيت اهل البيت والاطفال والزوجة كلهم هيتجننوا من الفرّح في لحظة ربنا فرجها علينا في لحظة الّا بنت صغيرة خدت جنب وقعدت تبكي. فامها بتقول لها يا بنتي يا بني لما تبكي! شوفوا ربنا فرجها علينا ازاى! فقال - 00:01:51
قالت يا امي هذه نظرة نظرها لنا عبد. فكيف لو نظر لنا الله؟ يا شباب كيف لو نظر لنا اه يا امة محمد كيف لو نظر لنا الله؟ لو ربنا نظر لنا نظرة رحمة يحصل؟ طب لو ربنا نظر لنا لقانا قدام الكليات ولقانا قدام النوادي ولقانا قدام لو - 00:02:11
بنعصي ربنا هيحصل ايه؟ ولو ربنا نظر لك لقاك بتبكي في السجود في التلت الاخير. لو ربنا نظر لك لقاك ماسك المصحف قاعد تقرا وترتل وتبكي. لو ربنا نظر لك لقاك واقفة في التراويح بتبكي من كتر الخشوع. لو ربنا نظر لنا الان عايشين حياتنا في طاعة ربنا. كيف لو نظر لنا الله ايام الدين الايام - 00:02:31

حلوّة الايام الجميلة. الايام اللي ما تتنسيش. كان الجنيد يقول واهّا يا ايام البدء. واهّا يا ايام البدء. انت فين يا في البداية ايام الانطلاق الى الله. الايام اللي فيها زكريات ما حدش يقدر ينساها ابدا يا جماعة. الايام الجميلة اللي يعيشها لا يمكن ينساها ابدا. واحدة اخت لبست - 00:02:51

النقاب قالت كلمة جميلة اوي بتقول انا حاسة ان انا عروسة الدنيا كلها بتزفني. انا عابزك تبقي عروسة الدنيا كلها تزف. هدف السلسلة

دي انك انت تبقي عروسة الدنيا كلها تزفك. من السعادة اللي انت فيها. ابراهيم ابن ادهم كان مرة مع اخوانه على شط نهر كده. فحط رجليه في الماية وقعد فرحان بقى - [00:03:11](#)

عشت الملتزمين دي عيشة ما حدش يقدر يوصفها اصلا من السعادة. وقال لهم ايه ؟ قال لهم انا لنجد لذة. لو يعلمها ابناء الملوك ساندونا عليها بالسيوف. كنت انا ساعتها وانا بفتكر الكلمة دي في مكان خلوي مع بعض الاخوة. قلت لهم واللّه العزيم وانا لنجد لذة لو - [00:03:31](#)

ابناء الملوك لجالدونا عليها بالسيوف. ما انساوش ابدًا مرة ركبت مع والد احد اخوانا. احد الشباب التائبين. قال لي انا لما حد بيسألني عن تعيد تاريخ عيد ميلاد ابني بقول له خمسة وعشرين اربعة الفين وثلاثة. انا اجعزت قلت له خمسة وعشرين ده ابنه بيتخرج خلاص ابنه اتخرج ما شاء الله وبيتجوز خمسة وعشرين اربعة ازاى - [00:03:51](#)

قال ده ده تاريخ التزام ابني. ياه! جنة واللّه يا جماعة. اللي بيلتزم ده بيبقى جنة في حياته. لو فتحت سدره تلاقيه جوة جنة. انسان عايش سعيد. انسان من غير هموم. انسان ربنا كافيه كل همومه سبحانه وتعالى. احد الشباب كان مرة بيقول تفتكر ان انا لو التزمت هعيش سعيد؟ ياه - [00:04:11](#)

ده انت هتدوق السعادة اللي ما حدش شافها. والايام الرائعة اللي ما حدش شافها. يا ابني انت عارف رحمة ربنا قد ايه؟ لو ابني ساب ابوه والاب خلاص مش عارف يجيب ابنه - [00:04:31](#)

والابن قاعد تايه في الدنيا وسايح في الدنيا وبعد كده الاب سمع ان ابنه اتسجن اتأسر اتقهر على ابنه. في ليلة من الليالي لقي الباب بيخبط لقي ابنه قدامه. الله! يعمل له ايه! ويدي له ايه - [00:04:41](#)

ويعطيه ايه ويفرح به قد ايه ولله المسل الاعلى. انت كسرت في اسر الشهوات لو رجعت لربنا ربنا يفرح بك قد ايه. انتم عارفين غنى ربنا قد ايه ده ربنا بيقول على قارون العبد الحقيير واتيناه من الكنوز. ما ان مفاتحه لتنوء بالعصبة اولي القوة. يا جماعة الاستوديو اللي انا فيه ده استوديو كبير استوديو واسع. لو - [00:04:51](#)

دهب يبقى بمليارات. مليارات. طب تخيل بقى ان الاستوديو ده مفاتحه قد كده اهو قد الصابع. امال خزاين قارون اللي مفاتحه الرجالة ما تقدرش تشيلها. وكل كل ده ما هوش حاجة في خزاين غنى الملك سبحانه وتعالى. ينتظركم ايام رائعة يا شباب. ينتظرك ايام رائعة. اوعي تضيعها. اوعي تضيع ايامك الحلوة - [00:05:11](#)

جميلة ينتظركم ايام رائعة لو عرفتم ربنا وتبتوا لربنا يا اباء يا امهات. يا امة محمد ينتظرك ايام رائعة. لو مشيت في طريق ربنا. ينتظرك ايام رائعة في الدنيا في الدنيا واحد صاحبي كان عنده في درسه ثقب لف به على الدكاترة هيموته من الوجع. بيقول لي اول ما التزمت واستعملت السواك - [00:05:31](#)

ربنا سبحانه وتعالى اذهب كل ده عني. ياه! واحد صاحبي بيقول لي انا قبل ما التزم تلتاشر ترم ساقطهم. ما فيش ولا ترم ما عدتش نضيف. انا النجاح نضيف غير لما التزمت وغير لما تبت لربنا سبحانه وتعالى. بكرم ربنا سبحانه وتعالى. شوفوا الحديث بتاع صحيح مسلم. ان الله - [00:05:51](#)

لا يظلم مسلماً حسنة يعطى بها في الدنيا ويجزى بها في الآخرة ولا حسنة. الطريق ده ولا خطوة هتضيع عليك فيه الطريق ده ولا خصلة شعر غلطيتها هتضيع عليك فيه. الطريق ده ولا تسبيحة ولا يوم صومته ولا ركعة صليتها. ولا اية قرآن قريتها هتضيع عليك فيه. تعطى - [00:06:11](#)

في الدنيا اعطى بها ايه؟ كل حاجة. ايام رائعة يا جماعة. ايام رائعة واللّه العظيم. اللي عايز يعيش الدنيا كلها. اللي عايز يعيش السعادة كلها الحاجة كلها يدخل في طريق ربنا. كنت مرة في احد الدروس والواحد مشتاق. مشتاق لاي علامة من ربنا. علامة رضا من ربنا. فقعدت ادعي مع الشباب اللهم ارزقنا بشرى الدنيا - [00:06:31](#)

والآخرة. اللهم ارزقنا بشرى الدنيا والآخرة. ثاني يوم لقيت مكالمة جاية لي من مكان غير متوقع خالص يعني. لقيت واحد بيقول لي انا شفت لك رؤية. رؤية فيها كزا وكزا. قلت - [00:06:51](#)

سبحان الله! ده احنا لسه داعيين ربنا امبارح. جربت احساس ان ربنا ان ربنا بيحبك. ان ربنا فرحان بك. ان ربنا راضي عنك. ان ربنا فاتح لك ابوابه. يا جماعة انتظروا - [00:07:01](#)

ايام رائعة. ايام جميلة. ده انت لو التزمت ايام جميلة والله يا جماعة. يعني ينتظركم قنوات فضائية اسلامية رائعة. تخيل انك انت هتقعدي قدام قناة وانت بتتفرجي على برامج دينية جميلة مؤسرة جدا. تلاقي في النص طالع لك واحد بحلة تيفال. يقول لك عرض مميز جدا بتمن - [00:07:11](#)

مميز جدا لحلة مميزة جدا. لها غطا مميز جدا. الحالة دي تنفع في كل حاجة يا جماعة. يعني ممكن ست البيت تطبخ فيها يبقى تطبخ فيها ست البيت ممكن تبقى طربوش يلبسه راجل البيت. وممكن لو عندكم كتاكت تملوها فيه وتحملوها فيها كتاكت البيت. ايام رائعة ايام جميلة. ايام ناس بتحب ربنا سبحانه وتعالى - [00:07:31](#)

وربنا مبسر لها امورها ومسهل لها حياتها. ينتظركم ايام رائعة في السعادة. في الراحة النفسية. مرة فتاة بعثت لي جواب عن مشاعرها تجاه جواب جميل اوي يا جماعة. بتقول فيه واشرق قلبي بحب الله كما اشرقت الارض بنور ربها. قلت ياه على الجنة اللي الملتزمين - [00:07:51](#)

عايشينها. ياه كان فيه واحدة اسلمت وكانت علامة دينها مطبوع على ايديها القديم. وعازية تتخلص منها. من فرحها بالاسلام مش عارفة تشيلها. حرقت كان اللي فيه العلامة عشان تخلص من اي حاجة فيها بعد عن ربنا. الكلمة اللي ما ننسهاش ابدأ ان في الدنيا جنة. يا شباب ان في الدنيا جنة والله - [00:08:11](#)

عظيم. ان في الدنيا جنة. من لم يدخلها لم يدخل جنة الآخرة. لأ يا شباب. انا باقول غير كده. انا باقول ان في الدنيا جنات. مش جنة واحدة والله العظيم جنات! جنات! جنة طلب العلم! قابلت احد الاخوة الطلبة العلم المجتهدين بعد جوازهم اسبوع فلقينته خمس جدا! فبقول - [00:08:31](#)

ايه يا ابني ده الناس بتتخن بعد الجواز. قال لي من كتر حبي للعلم ما قدرتش مراتي بقت تنام وانا مش قادر. اقعد ازاكر لغاية ما تصحى وانام نوم قليل جدا. سبحان - [00:08:51](#)

والله العظيم. بيحبوا احد الشباب جنة الدعوة الى الله. بيقول انا اول ما التزمت كان امنية حياتي امشي في الشوارع اقعد اكلم الناس عن ربنا. احد الشباب كان بيقول لي انا لا يمكن - [00:09:01](#)

ابدا. قلت له ليه؟ انا خايف عليك من الانتكاس قال لي لا يمكن. قلت له ليه؟ قال لي انا كل ما افكر حالتي النفسية قبل الالتزام وحالتي النفسية دلوقتي اقول لا يمكن التزم ابدأ - [00:09:11](#)

السجود يا شباب. جنة السجود يا بنات. جنة السجود يا جماعة. احد الشباب بالصيادلة اللي التزموا. فاصحابه عايزين يطلعوه رحلة. لازم تطلع معنا لازم. قال لهم يا جماعة ما نفسكم. ده انا سجدة واحدة بس بين ايدين ربنا. بكل الرحلات اللي طلعتها في حياتي.

افتكرت كلمة رسول الله صلى الله عليه وسلم في السجود - [00:09:21](#)

يا مقلب القلوب ثبت قلبي على دينك. ليه اشمعنى في السجود من اللي عاشه؟ مين اللي حسه؟ يا رب خلي المشاعر دي ما تروحش مني. افتكرت كلمة رسول الله صلى الله عليه وسلم يكره ان يعود في الكفر كما يكره ان يقذف في النار يكره ان يعود. مش قادر انا

بعد ما عشت المعاني دي مش ممكن افطر - [00:09:41](#)

مش ممكن اسببها مش عايز ارجع يا رب. يا رب سبتني يا رب. انا مش عايز ارجع. انا لو رجعت كاني بترمى في النار بالزبط مش عايز ارجع يا رب. كلمة السحرة الفرعون - [00:10:01](#)

لن نؤثرك ايه اللي عاشوه جوة قلوبهم خلاهم يسيبوا كل حاجة. وخلاهم يتحدوا كل حاجة. وخلاهم يقفوا في وش الدنيا كلها. ايه اللي جوة قلوبهم يا جماعة. جنة. جنة القرآن. احد المفسرين قرئت له كلمة عجيبة جدا. بيقول وكدت ان اعرض عن تفسير سورة

الانعام - [00:10:11](#)

سورة الرعد بيتكلموا الصورتين دول عن ربنا. لان ما في صدري تجاههما واكثر ما استطيع ان اعبر به عنهما بينهما فجوة هائلة لا

يسدها شيء. انا مش قادر اترجم اللي في قلبي تجاه كلامك يا رب. مش قادر اترجم اللي جوايا تجاه - [00:10:31](#)

عن القرآن يا رب. مش قادر. قال بس انا هاعمل زي اللي بيشاور على نجم. هو بيشاور عليه بايديه. انما ايديه لا يمكن هتطوله ابدًا. يا جماعة الدين ده جنة. السجود جنة - [00:10:51](#)

القيام جاء لنا احد الشباب لما التزم كان يصحى قبل الفجر باربع ساعات يقول يا خسارة يا دي الحسرة! ما عادش غير من كتر حبه في القيام. من كتر السلف كان بيقول اللهم ائذن لي ان اقوم الليل في قبري. من كتر جمال اوعوا تفتكروا ان الدين صعب يا جماعة. الدين ده جنات. الصيام جنة والقيام جنة والصلاة جنة - [00:11:01](#)

والتوبة جنة. احد شباب احد النوادي الشهيرة في القاهرة. وخلاص ما عادش قادر نتعزب مش قادر. عايز يتوب. اتصل بواحد صاحبنا قال له انا عايز اتوب. عايز ارجع صاحب نتشغل عنه سابه فبيقول فمرة صاحبي بيقول لي بيقول لي انا مرة طالع بالعربية لقيت الشاب ده جاي بيجري علي ووشه متغرق دموع وعينه سائلة دموع - [00:11:21](#)

وعامل لي بايديه كدهوت! ما انتاش طالع! ما تطلعش! ولقيته اهجم علي بيقول لي ما تسبنيش! انا عايز اتوب لربنا! انا عايز ارجع لربنا. خده وفضل معه لغاية راحوا يصلوا الفجر بيقول وهو بيصلي جنبني الامام بيقرأ وقاعد يتهز وقعد يطالع لقدام ورا. انا مش عارف ما له! الامام ورا التحيات وده قاعد يتهز قاعد - [00:11:41](#)

وبيرتجف. اتاري انه بيرتجف وهو بيصلي اول صلاة بعد التوبة لربنا. مشاعر التائبين يا جماعة. مشاعر اللي راجع لربنا سبحانه وتعالى مشاعر الالتزام ده جنة والله العظيم ما تتعوض. اوعي تخسرها في حياتك. اوعي تخسرها في حياتك. ينتظركم ايام رائعة في الآخرة - [00:12:01](#)

في الآخرة. الجنة يا شباب. الجنة دي جميلة اوي. انا مش عارف ازاى الشباب ما بيموتش نفسه عشانها! ازاى يا جماعة! تخيل لو انا جيت لك النهاردة تعال يا حبيبي. انا عازمك النهاردة على - [00:12:21](#)

كافيار في الهيلتون. بكرة بقى انا هاعشيك على الساحل الشمالي حفلة شوي. بعده هيروح الفيرسيزونز عازمك على شوية مشويات. حاجة ما حصلتش. بعده تعال على المريدين بقى هناك ما هنشبع يا سيدي. بعده تعال بقى اما افرجك على تركيا. بعده لأ تعال لشواطئ فلوريدا. بعته في جزيرة في المحيط الهادي هنتفصح فيها. بعده تعال على الساحل - [00:12:31](#)

فيه حاجة تخيل! البازارات السياحية في الدنيا اصلا جننت الناس وما حدش بيلحق يتفرج عليها. امال المزارات الجميلة في جنة عرضها السماوات والارض. والنهارده بقى الحياة الاجتماعية. النهاردة مع مراتك في يخت كده في نهر الكوثر بقى تطلعوا رحلة خلوية عاطفية جميلة. بكرة هتזור النبي ومصعب وعمار وسلم ان - [00:12:51](#)

بعده في قعدة مع سيدنا موسى وسيدنا ابراهيم عليهم الصلاة والسلام جميعا. بعده في واحد صاحبك راح مع مراته جنات عدن ما رجعش مش عايز يرجع قاعد هناك الموضوع عجب - [00:13:11](#)

جدا فانت هتطلع انت وصحابك تروحوا تزوروه. رحلة اخوية. حياة كلها ينتظركم ايام رائعة. تضيعوها ليه؟ يا جماعة الكلام اللي بيقوله ده مش للكل. الا ما شاء الله. الكلام ده للي هيركب في سفينة الالتزام. الكلام ده له تمن. ادفعي تمنه. ادفع تمنه. تمنه انك تعيش لربنا. تمنه انك تقول عاوزك يا رب - [00:13:21](#)

انك انت تقبل على الله في ربنا اقبل ولا تخف. ما تخافش خذها ولا تخف. موسى العصاية اللي شق بها البحر كان خايف انه يمسكها وهي سر فتوحها باذن الله. اوعى تخاف من الالتزام. اوعي تخافي من الالتزام. يا جماعة الشباب المحروم الشباب الغلبان. الشباب اللي ربنا حارمه اسألي نفسك ليه ربنا حرمك؟ ليه حرمك من القيام - [00:13:41](#)

الله! هو انا عشان ما بقومش! ده حرمان! ايوة حرمان! ليه حرمك من حبه! ليه حرمك من اليقين به؟ ليه حرمك من لزة زكره؟ ليه حرمك من الدعوة الى الله؟ كنا مرة - [00:14:01](#)

منزر ما انساهوش واحنا بنكلم شباب. فشباب من الشباب كان قاعد يرقص قبلها ومال الشارع رقص في وسط الشارع. قلنا ده سعادة ما فيش بعد كده بقى. لما كلمناه كلمتين عن ربنا قال - [00:14:11](#)

انا كنت من يومين بس بحاول انتحر كل ده وهم وخداع وسراب. زي السويد اعلى دخل في العالم اعلى نسبة انتحار في العالم.

الكلمة دي ربنا قالها. الشاب ممكن اقف اتكلم معه يقول لي طب انا - [00:14:21](#)

انا هو حياة الدين مش حياة خنيقة بالمصطلح الشبابي يقول لك مش حياة خنيقة. خنيقة الكلمة دي نفسها ربنا قالها في القرآن. ومن يرد الله ان يضلّه يجعل صدره وايه ضيقا حرجا كأنما ايه يصعد في السماء كل ما بتطلع الاكسجين بيقل بتبقى خنقة خنقة حياة

خنيقة حياة - [00:14:35](#)

المعصية دي حياة خنيقة. انا باقول لكل شاب مقبل على طريق المخدرات ينتظرك ايام اسود من لون المخدرات. اللي بتتشرب.

ينتظرك ايام بشعة لو ما تبتش باقول لكل واحد ناوي يعصي. بقول لكل واحد ناوي يعرض عن الله. ينتظرك ايام ما يعلم بها الا ربنا

سبحانه وتعالى. يا جماعة عايزين نتوب لربنا. عايزين نتوب يا - [00:14:55](#)

تنتظرك ايام رائعة في الاخرة مخرج من المخرجين مات من ايام الدنيا من ايام ايه؟ من اسابيع. الدنيا اتقلبت وموضوع مخرج داعر

فاجر. افلامه كلها قزرة في المعاني وناس دعاة - [00:15:15](#)

الفترة اللي فاتت نوروا الدنيا كلها بالدين والهداية. المخرج هو اللي الدنيا اتقلبت له القنوات. ما تزعلوش يا جماعة. ما تزعلوش.

شوفوا اول ما المؤمن بيموت بيحصل ايه بتتقلب والارض بتتقلب. بيحصل ايه النبي عليه الصلاة والسلام فيما صح عنه. قال بيحصل

ايه؟ صلى عليه كل ملك بين السماء والارض. اتنين صلى عليه - [00:15:30](#)

كل ملك في السماء. ثلاثة فتحت له ابواب السماء. اربعة ما من ملك على باب من ابواب السماء الا ضرع الى الله. ان يعرج ان تعرج

روحه من هذا الباب. خمسة خرجت روحه اطيب نفحة مسك وجدت على وجه الارض. اي امرأة ولما ينزل القبر بتاعه وبعد كده يوروا

له النار. ايه ده! هذا - [00:15:50](#)

فكان مقامك في النار لو كنت عصيت الله. الحمد لله يا رب. اللهم لك الحمد. يفتكر كل مرة كان ناوي ينتكس وربنا عصمه. تفتكر كل

مرة كانت ناوية تعصي وربنا عصمها تفتكر يوم ما كانت مترددة تلبس النقاب ولا لأ وقاعدة تقيسه قدام المراية وتقلع وتقيسه وتقلعه.

وربنا سبتها ونزلت به. تفتكر لما - [00:16:10](#)

ما كانت على علاقة بشاب واحدة مترددة مش قادرة اسيبه اسيب ولا لأ. وفي الاخر سابتة وضحت به عشان ربنا. يفتكر لما كان متردد

المال الحرام. ده رزق ده اكل ده فلوسي واصرف منين - [00:16:30](#)

لغاية ما ربنا اعانه وسابه. يفتكروا لو كنت عصيت ربنا كان حصل ايه؟ ايام رائعة حتى في القبر حتى في القبر. حتى في لحزة

الموت. تنتزل عليه الملائكة افواج وراء افواج الا تخافوا ولا تحزنوا. الفوج ده ببشرك انك بتنظري لوجه الله. والفوج ده ببشرك انك

هتشرب من ايد النبي عليه الصلاة والسلام - [00:16:40](#)

والفوج ده ببشرك بالفردوس الاعلى. والفوج ده ببشرك بالامن من عذاب القبر. والفوج ده والفوج ده والفوج ده. افراح

ايام رائعة. ايام رائعة في كل حاجة يا جماعة حتى في القيامة ولقاهم نظرة وسرورا. لقاهم يعني من اول لحزة طالعين تلاقي ناس

واقفين مستنيينك - [00:17:00](#)

فرحانين بك ما تخافيش ما تخافيش كل ده مش لك. كل ده ما تقلقيش منه خالص. عبدالرحمن بن عوف لما السيدة عائشة قالت له ان

الاغنياء بيدخلوا بعض الفقراء في الجنة قال لها وماذا افعل؟ اذا كنت انفق مائة فيخلف الله علي الف. اعمل ايه؟ ظننت اني لو رفعت

حجرا لوجدت تحته - [00:17:18](#)

اعمل ايه؟ اذا كان ربنا فتحها على الانسان المتدين يعمل ايه؟ انا شفتها بعيني مع اصحابنا الملتزمين في الدفعة بعد ما اتخرجنا. لو

خطوا ايدهم في التراب يبقى دهب. هم اللي بيسيبيوه. هم اللي بيسيبيوه عشان مشغولين. مش فاضي من كتر فتح ابواب الرزق.

ينتظرك ايام رائعة. لو ربنا حبك. ينتظرك ايام رائعة - [00:17:38](#)

وربنا تولاك. ينتظرك ايام رائعة لو ربنا رضى عنك. لو ربنا حبك ينتظرك ايام رائعة ازاى؟ بس خليه يحبك. بس عيش عشانه. فاذا

احببته خد بالك خد بالك من الحديس ده امسكي قلبك امسك قلبك. انا عايزكم تركزوا معي يا جماعة. الحديس الرهيب ده الخزائن

كلها تتفتح دلوقتي. فاذا احببتهم مفتاح لكل الخزائن. كل خزنة من - 00:17:58

ربنا لها مفتاح الا فاذا احببته. مفتاح يفتح كل الخزائن. يفتح كل حاجة. امسكي قلبك الوقتي مع عطاءات ربنا. امسكي قلبك فاذا احببته ولا يزال عبيد يتقرب الي بالنوافل حتى احبه فاذا احببت واحد كنت سمعه الذي يسمع - 00:18:18

اول حاجة ربنا قالها السمع ليه ؟ ما هوش هتسمع الاغاني والهلس والكلام ده. ما عدتش هتسمعه. انت راكب في في المواصله ومش هياخد وانت سامع. طب اشمعنى السمع اللي ربنا بدأ به - 00:18:38

لان السمع ده اول حاجة تشهد عليك يوم القيامة. شهد عليهم سمعهم. طب ليه اشمعنى ؟ لان اللي انت اديته ودانك ده اللي هيحدد اتجاهك في الحياة. اديتي ودانك لداعية ولا لواحد مفسد؟ - 00:18:48

اديت ودانك لصاحب صالح ولا لصاحب فاسد. وبصره الذي يبصر به. هتشوف بنور الله ولسانه الذي يتكلم بها. هيبقى كلامك نور تكلم اصحابك في الدين كلهم يلتزموا على ايديك. وبده التي يبطش بها هتعيش الحياة وتواجهها بقوة الله سبحانه وتعالى. هتستمد قوتك

من قوة - 00:18:58

لا ورجله التي يمشي بها هتبقى مسدد الخطى في حياتك. في اختياراتك في جوازك في اختيارك في الجواز في كل حاجة في شغلك. ولا سألني لاعطين هتبقى مجاب الدعاء. ولان استعاذني لاعيذن هتبقى في حصن حصين من الله. بالله سبحانه وتعالى. وفي رواية

مسند ابي يعلم - 00:19:18

وقلبه الذي يعقل به هتبقى قلبك ده جنة من الجنات. امسكي قلبك. لو ربنا تولاك ينتظرك ايام رائعة. لو ربنا يا جماعة ايام رائعة. الاية اللي بتبهرنى وبتبهر قلب اي حد. لما يسمعها بقلب. قول الله سبحانه وتعالى الله ولي الذين امنوا. الله - 00:19:38

يخرجهم من الظلمات الى النور. وقفت قدام الاية. قلت نور ايه؟ نور في الدنيا وجعلنا له نوراً يمشي به في الناس. نور في عند الموت وملائكة بيض الوجوه كأن وجوههم الشمس اللي بتقبض روحه. نور في القبر افتحوا له باباً الى الجنة يبجي من انوار الجنة. نور في

الصراط لما - 00:19:58

ربنا سبحانه وتعالى بيقول بشراكم اليوم. لما او هم لسه جايبين يعدوا من على الصراط وربنا يخليهم يجوز كالبرق. البرق ده نور اصلا يا جماعة. ربنا اتمم لنا نورنا نور على - 00:20:18

نور في الخمسين الف سنة على منابر من نور. نور وجه الله ونور حجاب النور. الجنة نفسها زي ما النبي قال نجاه في الجنة. الجنة من برة عارفين النجاه في الفخم والاضاءات ده لسة من برة امال من جوة هيبقى شكلها ايه. تخيلوا يا جماعة انما الثاني حياته كلها

ضلمة. حياته كلها خنقة. ظلمة عند الموت. ملايكة سود الوجوه - 00:20:28

ظلمة في القبر والعياذ بالله ان هذه القبور مملوءة زلما على اهلها. ظلمة يوم القيامة زلام تام. زلمة في النار فهي سوداء مظلمة. ضلمة في الدنيا ظلمات بعضها فوق بعض. يا اخوانا هتختاروا ايه ؟ انا دلوقتي باخيركم اختاروا يا شباب. اختاروا. هدف السلسلة دي انك

تختاري. انك تختاري. يا اللي لبست نقاب ولسه لغاية دلوقتي - 00:20:48

ما بتعمليش حاجة في الدين. تختاري يا اللي لغاية دلوقتي لسة مش عايزة تلبسي حجاب اصلا. تختار يا اللي لغاية دلوقتي ملتزم بالكلام وخلاص. تختار يا اللي لسة متردد ومتذبذب. تختار يا اللي لسه في قلبك - 00:21:08

شهوات وحب دنيا. تختار يا والدي ويا والدتي. يا اللي سايبين ولادكم يا اللي بتخافي على بنتك. من شوية هوا الشباك يتفتح عليها بالليل ومش خايفة عليها من نار جهنم - 00:21:18

اللي خايف على ابنك وامتحان السانوية العامة قلبك مرعوب ومرجوف معه. ومش خايف عليه من امتحان القبر. يا اللي لما بنتك بتلبس النقاب بتقول لها انت قضيت على نفسك. انت هتودي - 00:21:28

في داهية والتلاتة مليون عانس اللي عندنا ودوا نفسهم فين ؟ والمتبرجات اللي ما فيش جواز برغم التبرج بتاعهم. ودوا نفسهم في ناس تودي نفسها الجنة. وهات في الدنيا ينتظرون - 00:21:38

ايام رائعة. ابنك اللي التزم اوعى تقف في وشه. ما تقفش في وشه ايام رائعة. بنتك اللي التزمت انت وهي واسرتركم كلها هيبقى

ايامكم رائعة لو سبتيها تنطلق في الدين. اختاروا يا جماعة احد اخواننا الدعاة اتشاف له رؤية انه قعد يتكلم عن الشباب يكلم الشباب ويكبر ربنا يكلم الشباب ويقول الله اكبر - [00:21:48](#)

النبي في الرؤية بعث له قال له وكل ما يتكلم عن الشباب يعلى يعلى يعلى. النبي عليه الصلاة والسلام بعث له قال له طول ما انت بتكبر ربنا وبتتكلم عن الشباب هتفضل - [00:22:08](#)

يعني انا باقول الكلام ده ليه ؟ انا باقول الكلام ده لان السلسلة ديت مش انا اللي باديه. انا وانتم شركاء فيها. القاطرة اللي القاطرة يا جماعة فيه قاطرة انطلقت لانقاز اكبر عدد - [00:22:18](#)

عدد ممكن من شباب امة محمد. انا عايزكم تبقوا معي. انا باتكلم من الفضائيات. فوق مع الكواكب والنجوم يا جماعة. انتم انتم اللي على ارض الواقع. انتم اللي حولوا الكلام ده لواقع - [00:22:28](#)

عملي معايش. انتم اللي انتم انتم احنا كلنا فريق واحد. كلنا هدف واحد. كلنا رسالة واحدة. كلنا رمضان ده ان شاء الله بازن الله. لازم الشباب على قد ما تقدر. حتى اللي قاعد قدامي الوقتي ولاول مرة بيسمع دين. انت معنا في الفريق بتاعنا. انت معنا في القاطرة بتاعتنا. انت معنا في في فريق الابطال اللي منطلق - [00:22:38](#)

ربنا سبحانه وتعالى ينتظركم ايام رائعة. لو عرفتم ربنا سبحانه وتعالى لو ربنا رضى عنك ينتظرك ايام رائعة. لقد رضى الله عن المؤمنين اذ يبايعونك تحت الشجرة. سورة الفتح كلها لما ربنا رضى عن الصحابة عمل لهم ايه ؟ قومي - [00:22:58](#)

فيها الوقت. قومي اقراها الوقتي. اربع صفحات ونص فتوحات في سورة الفتح. عشان لقد رضى الله لو ربنا رضا هيحصل ايه يا جماعة ؟ خلاص يا جماعة اوعى تقول انا مش قادر البيئة فاسدة مية مين يا ابني ؟ ده قصر فرعون خرج منه ثلاثة من عمالقة الايمان في تاريخ - [00:23:15](#)

البشرية. امرأة فرعون احد اربع نساء كانه في البشرية. مؤمن ال فرعون اللي نزل فيه سورة غافر. مؤمن قال فرعون. ماشطة بنت فرعون اللي النبي عليه الصلاة والسلام وجد هي وولادها في السماوات العلى في رحلة المعراج. خرجوا من قصر فرعون ما تقولش البيئة فاسدة. ويعمل بها فاسدة قم واجتهد وحاول. اوعى تضيع هذه الايام الجميلة - [00:23:33](#)

اوعى تضيعي هذه الايام الرائعة. مش هتحس ان الحياة لها طعم غير في الدين. يا جماعة فلنحيينه حياة طيبة. الحياة الطيبة ابراهيم لقاها في النهر. ويوسف لقاها في السجن والنبي عليه الصلاة والسلام لقاها في الغار هتعيش حتى لو ابتليت هتعيش في حياة طيبة. في حياة سعيدة في حياة جميلة. هتبقى بتبكي في التراويح من الخوف من النار وقلبك بيرقص من - [00:23:53](#)

الفرحة ايام رائعة يا جماعة. ايام جميلة قوي. ايامنا الحلوة. ايامنا الجميلة. ايامنا الرائعة. ينتظركم ايام رائعة. اوعوا تضيعوها. اوعوا تضيعوها ما تقوش زي آآ روماريو اللي قاعد يحسد في رונالدو ويقول ينتظره ايام رائعة. وفي الاخر الوقتي رונالدو حصل له ثلاث تمزقات في الاربطة بتاعة - [00:24:13](#)

رجليه ومهدد باعتزال الملاعب. اتنشى عين من روماريو جابته الارض. سبحان الله العظيم. لو كان روماريو لو كان رונالدو مسلم وبيقول اذكرك الصباح والمساء زي طب الحلو بتاعنا ان شاء الله اللي هيعمل كده بازن الله. من اول الفجر اللي جاي ده هو كان ربنا سترها معي اوي يا جماعة. جيم اوفر يا روماريو. جيم اوفر يا رונالدو. جيم اوفر - [00:24:33](#)

يا كل واحد عصيت ربنا ومشيت في طريق المعصية. جيم اوفر يا كل واحد حسبت ان المعصية فيها سعادة. ولا المخدرات فيها سعادة ولا سكة البنات والبلاجات فيها سعادة. دي ام - [00:24:53](#)

كل واحدة ما رضتش تتحجب وما رضتش تقبل على ربها. جم اوفر يا ممسلة يا اللي عندها تسعين سنة ولسه بتبوسي جزمة الدنيا والدنيا بتديك بالجزمة. وانت لسة عايزة جيم اوفر يا كل واحد عصى ربنا وعاند ربنا. خلاص خسرانة خسرانة. انتهت. ما دام في طريق غير طريق ربنا. وجيم اوفر يا شباب - [00:25:03](#)

جيم اوفر يا شباب امة محمد اللي هيتوب وهيعرف ربنا. بس مش جه في ام الخسرانيين. لا والله. الجيم هيخلص واحنا كلنا كسبانين. الجيم هيخلص واحنا كلنا منتصرين على شهواتنا. فرحانين لان مع ربنا ما فيش حد بيخسر ابدًا. بعد ما ربنا ما فيش حاجة بتضيع

ابدا. انا عايزكم يا جماعة تختاروا. انا عايزكم ثلاثين يوم يا جماعة مع بعض ان شاء الله. ثلاثين - [00:25:23](#)

يوم بازن الله سبحانه وتعالى مع بعض. هنتكلم على مشاكل اللي عاوز بس خايف. انا عايز التزم بس خايف. هي حياة الدين مش

صعبة مش ضيقة. اللي عايز بس مش قادر. اللي عايز يرجع لربنا - [00:25:43](#)

اللي عايز ينطلق في الدين. اللي التزم بس بيحس ان هو مش بيتقدم في دين ربنا. اللي عنده مشاكل كل ما يبجي يتوب بيقع. اللي

عنده مشاكل كل ما يبجي ينطلق يلاقي عقبات قدامه - [00:25:53](#)

عايز يوصل اللي عايز يدخل طريق ربنا بس فيه شبهات ضد الطريق في صدره. اللي عايز اللي عايز كل دول هنعالج مشاكلهم بازن

الملك على مدى الثلاثين يوم بتاع رمضان. كل يوم - [00:26:03](#)

استنونا بعد الفطار بازن الله سبحانه وتعالى. بعد الفطار اه. يعني هنفطر عليك كل يوم بقى ان شاء الله تفطروا علي كل يوم. بازن الله

سبحانه وتعالى. ما عنديش مانع والله يا جماعة. بس نعرف ربنا - [00:26:13](#)

تب لربنا ونحب ربنا وقلوبنا تمشي كلمة الله فيها مزلاها من كتر حب ربنا وحب طريق الملك سبحانه وتعالى. حياة الدين كلها يا

شباب يا شباب يا اباء ويا امهات انتم اللي هتأسروا على ولادكم تأسير حقيقي. انتم شركاء معنا في الموضوع ده. انتم مجاهدين معنا

في الموضوع ده. الام اللي وقفت - [00:26:23](#)

في الشارع بتبكي بالدموع على ابنها. الاب اللي قاعد يجري ورايا في التليفون عايز. ابني مش قادر هيموت على ابنه. الراجل هيجي

له زبحة صدرية باللي ابنه عامله فيه الامهات اللي ياما الواحد قابلهم في الطريق. باكو دم قدام الواحد وفي التليفون. هنعمل ايه في

ولادنا؟ ادي فرصة اهو. فرصة كلنا نشترك فيها. فرصة - [00:26:43](#)

كلنا نشترك فيها يا جماعة. اللي عايز الحلقات بازن الله من على موقع الطريق الى الله اللي عايز يحملها وينزلها ويطبعتها للشباب من

على موقع بيوت والله. اللي عايز ينشر الدين اللي عايز - [00:27:03](#)

انطلق معنا في القافلة. اللي عايز يجاهد من اجل انقاذ شباب امة محمد. احنا موجودين. كل يوم مع بعض بعد الفطار بازن الله

سبحانه وتعالى. ما تنسوش دروس الشيخ محمد حسن - [00:27:13](#)

بتاعة الصحابة سلسلة خطيرة. اوعوا تضيعوها. اوعوا يا شباب تضيعوها نقلة ان شاء الله. نقلة على ايد اهل العلم بتوعنا. مشايخنا

الكبار باذن الله سبحانه وتعالى ما تنسوش التراويج. ما تنسوش التهجد. ما تنسوش ربنا ابدأ. ما تنسوش حياة الطاعة. ما تنسوش ابدأ

انك انت طول ما انت في الطريق ده - [00:27:23](#)

ينتظرك ايام رائعة اللهم تب علينا لنتوب. اللهم تب علينا توبة ترضى بها عنا. اللهم فرح قلوبنا في دينك. اللهم فرح قلوبنا بطاعتك.

اللهم ابه قلوبنا بقيام الليل بين يديك. اللهم زوج الصالحين بالصالحات. وزوج الصالحات بالصالحين. اللهم املأ حياة الملتزمين

والملتزمات - [00:27:41](#)

الافراح والاناوار. اللهم اعطهم اللهم افتح عليهم. اللهم امدهم بباب من عندك. اللهم انقذ شباب امة محمد. اللهم تب عليهم اللهم لا امل

لنا الا فيك ولا بلاغ لنا اليك الا بك. اللهم انت رجاؤنا لا نهلك وانت رجاؤنا. لا نهلك وانت - [00:28:04](#)

لا نهلك وانت رجاؤنا. اللهم انا اعداء هذا الدين قد تكالبوا على الشباب. يفسدوهم ويحطموهم ويوردوهم المهام اللهم فانقذ امة

حبيبك. اللهم فانقذ شباب امة محمد. اللهم ايقظهم. اللهم احيهم يا اله يا قدير. اللهم انقذهم - [00:28:24](#)

اللهم احي قلوبهم. اللهم يا رب ارزقنا الصدق والاخلاص وتب علينا. واقبلنا على ما كان منا برحمتك يا ارحم الراحمين سبحانك اللهم

وبحمدك اشهد ان لا اله الا انت استغفرك واتوب اليك - [00:28:44](#)

وجزاكم الله خيرا - [00:29:01](#)